

春  
暉  
閣  
詩  
選

道光十六年七月符孫從何帥防河居河干蔣君子瀟自  
大梁以驛卒緘書來緘侈侈隆厚符孫曰必有異及發之  
則君詩也其書曰湘南已戒詩壹思慮研經有潘別駕筠  
基者願爲我刊詩詩非經幼裏定不可也又曰湘南不乞  
序於有名位者但乞諸幼裏耳符孫當復書許定君詩并  
許序君於是殫五晝夜力嚴汰謹錄得完善者可二百餘  
首作而曰是足以傳矣雖然君之詩不必以序傳者也君  
始以才受知於吳巢松侍讀登拔萃科侍讀宣於衆曰三  
年學政得此一人而程梓庭制府方撫豫亦曰君國士當

是時君名震大河南北識與不識莫不知君入都爲蔣礪  
堂相國所器一時耆宿如顧學士南雅陳侍郎石士皆極  
口譽之今河帥栗公廉訪楊公尤重君學品然則君之詩  
卽不序其必傳無疑也君不乞序於他人而獨命符孫豈  
以符孫爲能知君詩耶抑不肯借名公卿以自重耶夫詩  
有情有境有學不根之於所具之情則不真不本之於所  
歷之境則不奇不原之於所積之學則不厚古之人如李  
供奉杜拾遺韓吏部三家者可謂能極其情與境與學者  
也君幼秉母訓成立於仲父每言及輒涕吳侍讀之序也

君走數千里經紀其喪其至性有過人者惜惻纏綿溢於音調則摯於情矣君嘗攬海岱駕伊涼南條北條之水太華空同賀蘭之山鄂爾多斯厄魯特之人皆足以盪胸襟而抒志氣則拓於境矣君治經宗許鄭著十四經日記數十萬言旁通象緯歷律輿地水利農田諸學不鑿空不泥古故其詩經籍麟彬古香古色闢前人未開之境則富於學矣俊逸似供奉沈雄似拾遺精卓似吏部至其獨往獨來不可一世之概則又不襲李不勦杜不規韓而自成其爲子滿之詩此則符孫能知之亦惟符孫能言之者也君

善爲史漢序事之文詩本餘技然少可多否嘗曰於文吾服襲定菴魏默深於詩吾服幼襲而已人或以君言爲不然夫以君之目空千古而猶推鄙人如是是君非不虛心者也君之詩非符孫之序而誰序也陽湖洪符孫

蔣君子瀟嘗入吳臨其師吳龜松先生之喪吳中諸名宿咸與君交重君之爲人並重其詩是時筠基方十六歲與吳氏爲姻家藉是識君賦詩刺贈答甚歡君歸里後亦數數通書問迄於今十有一年矣丙申七月來大梁始再相見君已專意治經不甚爲詩間有所作皆有爲之言與風雲月露者異而格益以高篇益以奇筠基將爲君刊而行之君全稿未經出客中所有皆門弟子鈔存關中集江上集燕臺集梁苑集四種而已凡從前與筠基所唱酬者都不在焉君夙服洪先生符孫詩皆送其闕定洪先生選

二百首筠蒸更搜得春暉閣初存稿選數十首合爲三百首編次其目以付手民洪先生製序極稱君之人與學無溢無飾而筠蒸更申論之曰古經生多不工爲詩其工爲詩者毛西河朱竹垞洪北江三先生而已孫淵如通奉以治經廢詩故其詩傳者絕少子瀟亦以治經廢詩其詩之可選者已三百首焉可謂富矣君自言初學三李後師杜韓久乃棄各家而爲自己之詩又言古詩人惟昌黎通訓詁故押韻愈險愈穩訓詁者治經之本亦治詩之本也今觀集中鍊字諧聲通假縱橫瀾翻洵從來未有之奇若朱

仙鎮弔岳忠武明太祖親封鐵冠圖黃孝廉松下談元圖  
上栗河帥諸作學識經濟一漢畢見尤不朽之絕構也後  
有讀者其不以余爲阿好也夫元和潘筠基



春暉閣詩選卷一

固始 蔣湖南 子瀟

讀書二首

浮志維利名靈源濬經策轉此徑寸珠照活千秋魄生龍  
怒天風咽鳳翔地脉掩卷聆古音郡如遠行客客去精光  
蟠渴虹燭霄白蠹魚夜窺人一笑歛仙格

義輪攝華年蟻牽一何迅兒時嬉笑情上與三皇近束髮  
薰詩書智慧厲揚刃嗜欲如媯炭熾此天一寸魯叟鏘金  
石一擊情芽忿至人藹孩提太始啞啞震緬惟嶽崎裏挖

揚激雅韻

春夜裏王七

煇

蕭蕭風雨暗書窗  
斫地高歌影不雙  
欲向梅花談往事  
一鑑如雪夢京江

期思裏古

蔽野禾麻長田疇  
今日肥夕陽樵子返  
絕壑大蛇歸尚有  
孫公廟誰云廉吏非  
村童學優孟歌唱動清暉

許忠節公祠

豫章虹氣貫妖星  
副使丹心一片明  
爲厲張巡是男子  
談

兵杜牧本書生從容早決誅  
姦志慷慨猶餘叱賊聲  
此日爲歌迎送曲  
南昌行與樂陵行

水仙

如聽七條絃一絃一渺然爲之歌  
白雪不必憶成連  
予夢眞無際  
春風或有緣  
梅花欣一笑  
香淡小窗前

春江曲

春風速春江綠江波險  
郎行遠風波縱險不關心  
但問郎情深不深  
妾心江波流郎心波上舟  
舟行有時止波流無盡  
頭淚珠攙入江水寬  
郎飲江水莫嫌酸  
水酸不敵妾心

苦郎心搖蕩舟無主兩人心一江繞幽蘭花抱香老

長毋相忘漢瓦歌

沈初明死天已老零落通天臺下表漢宮片瓦留人間猶  
帶銅人淚痕小淚痕綠澆苔錢細迴文如喚奈何帝帝恩  
如海無時休廷尉先傳下鄴侯未央酒熱梟后怒又看烹  
狗如烹兔君臣富貴已相忌夫婦恩愛何能長盡羨瑤宮  
棲翡翠誰憐夢雨飄鴛鴦妃央密密銀雲歛相思魂繞麒  
麟殿金鑲有詔索前魚鳳輦無聲求故劍別有柔情裊碧  
絲笙歌隔院夢醒時春雨黃金私買賦秋風白扇自吟詩

此際輕拋如瓦礫此時清淚如珠滴董侯玉印鄧家銅反  
盟鼎券同休戚歲星笑殺博士愁蘭芷密織魚鱗稠功臣  
美人俱已矣涼風只住殿西頭

大梁襄古

河岳摧殘千載遙汴城秋色太蕭條北征車駕真孤注南  
渡江山是小朝天老無書餘鐵塔園空有玉尙笙簫阿誰  
解話興亡事霜打銅駝淚未消

寄王三

濟安

夢讀君詩歡醒讀君詩恐劍心縷腥血一噴萬珠湧散爲

黃金霞繞輪御羲捧雌龍不敢吞烏影立而竦以此造憂  
憂愈令襄洵洵津液逮渴魂心繭抽活蛹相思積三秋快  
意撥煩冗願陳野人愚學賈仁者勇交君十年前同洩詩  
壇踵鼓敲騏驎皮毛掉鳳皇翫君筆擅奇豔溫李一鐙擁  
我才較跋扈欲步韓門甬各襄今古愁力破江河壅俗儒  
亦何知鼓篋請微塵焉得灌將軍醉罵滿堂棟光山袁孝  
廉月旦驚闖齮君狷我古狂雙雀鷄羣聳我彈蔡女琴君  
淚墮瓊珙古心策枯魚目洗過河腫激發宮徵音貌寫水  
雲浴不招跛鼈憐肯受媚豬奉奇或過智軀狂欲哭坐家

游戲爲褒貶跌宕見輕重吾儕嗜好偏癖深各用鞏玉禾  
蚘不食珠露蟬所寵焉用互瑕尤背面如秋螿君吟豈泥  
龍我作非木俑太白嘲章甫誰能困枯葦所惜文送窮年  
年五鬼跡澤鴻愧庭雀太息應登鰲

泉河道中二首

史水從南來泉河忽東抗巍巍分水亭馨香致神鬯慈母  
蓋平公游魂駕高浪萬井開陽泉溝澮串肺腑車短飢蛟  
翻波平渴鳥闔田缺聲活活清韻答農唱

日驟天先却雲爭山愈遜草深飽牛嬉魚賣飢鷺恨輿夫

喘午炎雨汗布衫襪颯聲振林樾隔岸欲招巽行行過泉  
河市炊飯香嫩昨宵摘園蔬咬根散積悶今日冒霪塵熱  
胸不可噴虛名誤遙壤頗聞路人論離家縱百里飛夢無  
一寸

喜雨

一笑掣火鞭凌虛玉皇坐翻騰江海飛奔走鬼神賀火雅  
滅燭燄水豹任箕箒官民各欣欣天財散奇貨月餘事虔  
禱請雨書翻破赤松銜天符恩恩下疾磨一滴深一尺不  
同珠玉唾勇雷奮匱鼓似赧前日懦叱犍催田功呼龍督



煙課簑笠紛四郊不慮作殍餓我

皇普乾德廟堂資霖佐呼吸天人間萬靈不敢惰腐儒抱  
占石夢魚廬牧臥高吟雨知時遙與田歌和

宜園二首

五月好天氣人來綠雨中林荒雲入市岸闔水生風荳葉  
無情碧蓮花自在紅記文三復後招隱亦英雄

前代周司馬圃開君子亭相通兩湖白祇隔一山青樓豁  
吞僧塔梁空躍鼉靈名山同不朽舉酒酌空庭

讀宋史王旦傳

絳幘星冠拜帝封玉皇移住上清宮  
八千五色靈芝草值  
得珍珠賜相公

秋裏七首

昌黎咏秋裏桐葉摧琅玕東野咏秋裏峭風梳骨寒  
况我支病骨瘦過秋日山秋聲一夜來滿聽生  
凄酸束髮陶詩書立志青雲端日月錯輪軌  
聖賢懋心肝仙字不堪煮死蟬吐金丹拔劍  
轟明月雞聲清以乾窮愁織心梭蟋蟀爾  
何歎

中立堅持身瘡鬼戲相撼水火戰筋骨一刻門百慘病餘

攻詩城結習天花染十年蒙塵羅一朝磨圭玷韓門有豐  
肉饋貧堪息諂伊誰摻執袂遵路吟不定我忽獲珠舟賽  
過寶玉礮所惜降才弱空作餓虎耽地掀岳稜摧天摩滄  
波颯挑鐙驅秋風瘡鬼啼墮膽

未秋苦蒸炎既秋怯尖冷爲何撥火威而作履霜警天運  
如過客人事亦新鼎蟬蟬羨殤童味比神仙永秦王騎虎  
遊安知海風猛可憐劉中壘黃金毅然請

小人有老母苦節三十年畫荻移機鐙心血枯熬煎成名  
望孤兒眼爲秋風穿十年六失第不堪對皇天疫鬼况跳

梁三秋相拘牽遮須錫妖夢鬼馬嘶風旋慈母宵顛帝焚  
香豐吉蠲孤兒乏兄弟抱孫顛復慳肯拋一塊肉致辜柏  
舟篇弱妻乞身代拜禱心亦虔果然邀天恩生氣來便便  
機布斷何苦熊丸味何甘叩頭訴金風珍重三春萱

侯芭奉元經直嗤周易薄傳經有佳士堪掃中年惡我獲  
兩弟子嗜古排俗學撐腹雖未豐鮮失能以約王粲善彊  
記孔明觀大畧五經叩鐘鏞一堂互斟酌學修文選樓雕  
刻矜楊柞劉繇馭二龍鄒陽翔一鶚其如秋厲酷直攪春  
風樂瘡方昌黎驅疴又趙羅作一病周德觀再病張金鐸

研朱點毛詩鄭孔精神朗偉哉應聲蟲足以令神往俗儒  
矜一鐙安知日輪廣辭章如溝潦豈能活菱蔣枉費神仙  
爪不搔聖賢癢我心有明鏡每辨英雄誑一病成鈍根慧  
火隔今曩鳳谷篋竹清麟圃玉禾長求名始讀書殊落第  
二想不見學習鷹秋翻摩雲響

墮地爲慕天開口啼塵墮良腓支坤維離心剖乾匠丈夫  
志意崇遠觀非近量綱紀理今因經策鎔古狀貧賤而逐  
時熱紅寸天襲元吉尊黃鼎五精貴黑鬯馮夷匿星源笑  
掀萬里浪吾醉每大言旣醒漸姑妄九天有故人星眸閃

崔望

秋感二首

西風渺渺思悠悠，苦酒經年釀菊花。  
驀馬頻嘶王武子，新書未著賈長沙。  
釣魚翁羨江邊鷺，賣卜人看海上槎。  
轉瞬蟹螯爭入市，橫行憐爾遜痴蛙。

斷無秋士不昂藏，文苑空傳感慨長。  
褻刺禰衡非傲弄，談兵杜牧豈疎狂。  
上觀千古動成憾，醉嗅六經微覺香。  
我亦張充年廿九，愧無鷹犬換文章。

行路難

諸君駐馬離雕鞍聽我長歌行路難行路之難亦何有徐  
福催船海中走三山宮闕盡金銀神仙老死不招手吸麈  
飼虎誇祇林雙輪直碾靈鷲深蓮臺獅子忽雷吼怕損如  
來身上金求仙求佛俱無用馬頭回向尼山鞋腐語高談  
富貴浮哭窮假作麒麟痛短褐停車不能嘯道逢顏郎掩  
口笑吾方好武國好文君今愛老臣猶少能不見鄧禹廿  
四已封侯王融三十無八騶造化小兒不肯言其故乾啼  
濕哭成冤讐人生但得乞食逢漂母市兒胯下非云羞淵  
明不屑五斗米一飯轉欲冥報酬腰無十萬貫切莫上揚

州饑殺山雀無人收吁嗟乎無人收  
難行路灞陵醉歸李將軍兩鬢蒼蒼起煙霧

對雪漫述三百字

勾芒鞭凍龍腥蟄噓熱喘摩登踏鱗雲袖瑤爛絲卷皎皎  
芙蓉京梨雨飜雞犬登樓長爪郎筆花玉池浣我生抱霖  
叟春膏揭胸篆未堪雙紅稀那可三白鮮今冬邁乾悔絲  
稷曬黃煖麥苗根猶浮望雲屢遐緬有客嘲揚雄迂哉子  
心褊已軀謀未周人胞志何滿我舌爲客捫仰屋不能眄  
讀書困章句立名誤軒冕窮愁鎔嶙骨白日卷中短媼母



勞尸饗衰疾扼肺脘醫藥需青銅趙囊空難選弱妻瘦不  
支寒夜響刀剪肉少東方遺謫慚北門免非無問字酒亦  
有授餐館其奈衡門饑常裏夏畦赧昌黎逐時趨低心非  
能勉安得鳥漱金誰憐蟲負蝨峩峩七尺軀皇皇三寸管  
上溯結繩初下窮黃馘遠詩歌阮籍狂琴酒稽康懶饑來  
驅而去不直一笑莞十載談利濟長裘萬里展祇今洪湖  
漲赤子滔天轉空無賈讓策安用孟軻辯吟詩對雪分筮  
易得蹇蹇義御挽紅駒碾破玻璃軟

冬夜獨坐

鐙影搖簾雪壓廬凡將急就寫何如古來道學多欺世士  
到窮愁始著書文困深藏眞虎豹硯田養活幾蟾蜍前身  
應是蠹魚化依舊今生伴蠹魚

自憐閱世似觀棋樂府空歌有所思徑險能安騏驥步年  
豐偏恥鳳凰饑醉難成佛因貪酒憂本傷人况詠詩夢與  
梅花說春信曉窗香破向南枝

唐生

三年傳一經張生契心賞今年得唐生奇姿森倜儻健筆  
如牛弩摩空碧雲響神鷹脫軒繚筋骨抱秋癢生才殊雄

奇生學惜未廣我雖空空如頗欲助之長讀書先識字訓  
詁非竊攘爾雅兼說文正鵠立無罔峩峩通德門箋詩一  
何劭孔疏椎血心瀾翻出精爽史筆參龍門蘭臺翠不黨  
唐代撐韓公獅力搏龍象文攜鬼神來詩挾風雷往巨刃  
摩天根一儀勞爲兩宋明廢小學性理談恟慌空疎雜燕  
迂一覽無餘想十年持此心未敢爲人講所見或未然自  
命應慨傑生學如此充生才庶無枉飛黃駕瑤華萬里首

頻仰

游生

清才世無幾，吉龜挺英儂。使筆如春風，林柯枝葉振。么鳳  
抱桐花，飛夢落釵鬢。置身丹穴中，節足引而進。乃兄已老  
幹，廢理欠埋刃。弟材較清新，春色入桃嫩。有時規六朝，一  
意矜秀韻。我昔力詞翰，精思借神運。雖然顏子好，未敢漆  
雕信。生癖如劉邕，嗜痴忘物論。賦探長卿工，字學侯芭問。  
及門二三子，都讓生志奮。愧少鴛鴦鉞，空步龍蛇陣。今當  
遠行日，壯褻如結愠。勸君劬正學，勿忘始終慎。辭術道雖  
小，文字源宜順。白日流千江，青天一輪印。剪裁非生花，剽  
盜總灰燼。寸雲升紫空，意含萬里潤。華婉希崔融，奇穎思

杜麟胡爲面削臯彼美顏如舜勉旃惜錦幃風塵起神駿  
霜樵

踏破芒鞋草不乾萬家煙火待朝餐行來古樹倚岩瘦跡  
在板橋橫澗寬笑指神仙收局冷感深富貴負薪難肩頭  
紅日擔持重迷路人方隔水看

霜寺

濃染楓林梵響飄山門秋色蕭蕭散餘花傲諸天迴鳴  
罷鐘清古佛驕塔火紅浮光門月澗雲青定影連橋一巷  
待乞王維畫雪裏猶能卓綠蕉

霜角

寒鼓聲陪起戍樓那堪悲壯五更頭  
長城似水三關肅野  
竈無煙萬馬愁  
白捲胡笳冰共語  
紅銷瀚海火纔收  
不須  
樂府歌鏡吹老將蕭蕭兩鬢秋

霜雅

莫笑塗雅一筆揮學排鴻陣噪秋肥  
縱教南國村同冷能  
健西風夜亦飛  
自喜上城歌古調  
何時反哺報春暉  
上林  
千樹枝堪借無事啞啞尙苦饑

春泥

已歸鴻爪雪猶香莫憶浮雲冉冉長禪院花飛憐絮果燕  
巢芹墮怨雕梁但知霖雨資沾漑尙恐風塵漸簸揚說與  
征西諸將喜一丸遙寄玉關涼

春草

馬足空驕塞北風美人雲氣又江東年來失路酒難綠春  
到可憐心亦紅有恨半搖花雨外取材誰貯藥籠中杏花  
門掩歌聲起博得閒愁唱惱公

熊少泉師齋中賦呈

斗城撫字竭心丹胸裕成書策治安瓠子塞河空鞠瘁牙

欒轉漕太艱難談深杯酒皆憂國才大巖廊可備官却惜  
牛刀偏小試蕭蕭敬叔袖風寒

落花

辭枝那忍竟恩恩恐負春恩剪刻工蕊露淺猶沾小草心  
香濃尙戀東風艱難子結寒雲外容易人憐驟雨中多謝  
蛛絲排密網認將珊瑚樹冑深紅

瓊館瑤臺富貴新仙姿一例委凡塵杜鵑枉作傷心鳥蝴蝶  
蝶生如薄命人惟有蟾宮盈桂粟終看兔影掩冰輪綠草  
寫盡櫻桃血疏乞天公續好春



喚破春陰綠意稠黃鶯辛苦費珠喉縱教弱絮依雲駐難  
挽韶光似水流自古麗華終墮井從今王粲不登樓鬢絲  
還禁茶煙颺鏡裏情禪仔細求

念佛何妨結習存摩登空際影羅裙魂歸夢雨常衝瓦香  
結春泥更憶雲瀟灑飄零休爾誤金鈴保護爲誰勤化爲  
繡被纔償願到處天涯覆鄂君

朱占生行看子

曾參鏡月悟情芽筆海心舟又一涯豢活靈芝肥鶴鶴團  
明仙露潤花花先生化蝶同莊叟婢子談詩似鄭家解識

文園消渴甚慧心先煮綠雲茶

錦瑟華年取次拋禪心泥絮倩誰描雲牕鈴語青禽瘦水  
榭龍吟紫竹嬌去日春痕和夢斷感君豔福更魂銷春山  
半染氤氳驛一笑相看酒共澆

香芙集翠圖

膩雲壓秋損癡雨香霧濛濛雙翠語團珠襲錦分擇枝一  
口紅霞嫩如許花魂冉冉夢猶滯銀浦鴛鴦非解事蓉城  
仙主不知依水文空護相思字

浣紗圖

浣紗溪水粼粼冷中有西施可憐影霧縠風絲滌鏡奩夢  
裏鴛鴦 春醒蓮鞦蹙蹙梧臺行錦帆薰沼裁吳綾溪頭  
冰淚紅不死春風搓作珊瑚聲踏鸞撥鳳蓉裳溼花更搖  
館蘭思澁東鄰布姬砧石寒夜夜金波素娥泣大夫結網  
金如泉珍珠翠凍琵琶眠蠶縷茜香背纏玉三生同證五  
湖船

春暉閣詩選卷二

固始 蔣湘南 子瀟

上侍講師四十韻

靈威濯鴻濛含漱共存偶  
鱗生區區名一旦起公手  
去年攬駿亭心賞外牝牡  
今年占拔茅春風活枯朽  
價增李膺門光襲韓愈  
斗教誨而飲食說甘不啻口  
南也窶人子幼樊藝圃柳未辨  
豹文鼠安釋熊子狗才謝枚舉  
敏情愧屈原苟三昧縱燃詩  
百藥未成酒功名塵袞親梯仰  
蟾窟陡羿妻笑鈍斤空窟震爲  
守速哉思樂吟太歲又逢酉  
公襄

大如海細流無不受網枝升珊瑚雅材積薪標能教多士  
卽一一靈子矚霜望爭崧高蕃培過甫藪暢惠兩河蒸私  
恩一人性剛原負笈來陸機入洛後蓮幕五色光豆醢分

堯韭夙聞楮少孫

楮仙根

幸識黃子久

黃立齋

劉向

劉向齋

及楊

雄

雄士

治經如鋤莠我來蝨其間共耕宜日耦鳥遷丁丁

木蟲嚶趨迥阜譬如裳簪衣又似笄貫紐十年向道心孔  
易天之牖敢云麟鳳攀竊效牛馬走大法贊龍象靈山悟  
獅吼窺天蟻旋磨稽古雞在卣尙未隅反三遷欲雲吞九  
一鐙聚千鐙始知橐萬有左雄待逾格荀卿勵記醜呼參

漫咎唯鱗顏况循誘德大本爲師氣盛亦名母陶鎔六經  
外餘事豈云不倘教轉智珠兼能辨壑白庶幾象吞胸勿  
使樹生肘翠黃蔭慈雲蓮臺詎溷垢軀弱螭負背恩深山  
戴首奇字揚餘波伊誰嗤覆瓿

喜晤李同年

下韻

賦贈五十四韻

東髮奮奇嗜鼓吹文章交俗學芻狗耳銳志凌風騷中州  
在震且元音肉藏胞我固胎其祖庶拜虞廷臯三千削東  
魯鄭衛篇在鈔漢魏逮唐宋作者星麗霄有明起何李其  
才實斗筭托足杜陵厦死氣蒸厨庖可憐假優孟欲冒眞

蒼敖豹革既不存黏附空皮毛

國朝盛文字商邱吼鯨牢西陂有遺書邊幅窘可嘲其餘  
蚶蟬響難禁風雨漂大都卻克覽貽譏白起跳賤子生南  
鄙望古中燄燒自惟才碌碌不稱行趨趨聞昔長庚星在  
唐坡錦袍歸眞七百載復墮汝水均蟠根仍仙李隨風唾  
瓊瑤天葩聳月樹人籟吹風簫次公醒而狂赤手捉六鰲  
東吳有文宿兩河斟斗杓君才照滄海先已一網撈我雖  
宰予朽孔門尙可雕愧當丁丁伐敢云沃沃天四月午風  
競其時方秀萼驅車載賦筆遊梁馬蹄驕師嘗爲我言子

實掉尾蛟支吾瘦蟬響逸韻紅樹飄

君詠紅樹欲無蟬句  
有逸韻偶支吾之句

所爲  
詩師

聞君過江日金石鏗南朝王建與花藥媧炭一鑪銷

思讀縈夢穀如渴公瑾醪虛覓薇露盥未獲菁匭包今日  
識君面快若搏扶搖吉人本藹藹公子非佻佻李翰音樂  
熟阮籍塊壘澆胡爲先知我大發振小料遂使孔北海欣  
欣元禮褻我手握鈍斤未能望分鏹曾抱甕雞智謬同草  
蟲嘍側聞雙鳥詩一鳴驚雷曹又聞二鬼吟一笑逃荆桃  
同受吳公薦在戶如蠅蝟師爲韓退之我籍爾則翽爾本  
隴西將射虎追射鵬我如程不識自衛空擊刁雖然走縮



縮常念鳴膠膠當此海流橫頻疾竇筵呶激發多拘折屈  
詰而牙警警將碎金揀棄此小石礮泰山不辭壤黃河不  
容刀與君高韻顏赤幟中原標在陰君爲雀不食吾豈匏  
未知後論定以誰附鳳巢

題李同年

方雅堂集倒用前韻

窺天蟻旋磨觀海螟結巢大雅雖久歇元音存金匏誰使  
鬼神泣誰建天地標航海資萬斛安用葦與刀我昔研訓  
詰瑣瑣箋畧礮詩尤好大言不自慚警警長懼逢衛武童  
我罰醉呶君詩多態度鏘鳴德音膠鳳肺煎節節虎喉咽

刁刁太行萬丈虹飛流化爲鵬有時靚粧出汝水齊子翺  
有時秋蟲吟蛛絲霄蠟蛸有時天地別秦洞迷紅桃有時  
甲光皓橫槩立老曹殷雷奮南山草蟲徒嚶嚶詎信收麥  
車亦飾朱幘鏹篇篇具史識白眼工貶褒漢將果能飛楚  
師未可料擬作漢書讀夜呼濁酒澆定有桓譚重無譏屈  
原佻吾師蘭鯨錄星宿之招搖四萬八千柱獨以渾氣包  
大法現龍象至味投酥醪海水三萬里一一毛孔銷我曹  
亦聲聞聽鼓靈鷲朝要當掃結習勿被天花飄我材本跼  
弛三患處虎蛟少年脫繩檢左鷹右獫驕羨君如春葩遠

志非苦蕘淇澳竹猗猗南國桃天天胡爲不自信未能如  
漆雕天高日堪沐海黑月可撈師集有餘緒各自建所杓  
我騎滄州鯨自署客釣鼈爾寧洞庭蘭橫吹湘女簫蛇掣  
五丁怪席登太乙瑤濯足踏河漢鞭心游芥均玉佩而瓊  
琚不假人綈袍山空雌霓巨木末雄猿趨馬援鬢鑠翁笑  
談靖羌燒豈效秦皇走而同漢王跳徐夫人匕首濡縷血  
已漂吁嗟古文人有例相毀嘲偷集笑任防譬加算盆牢  
飯顛吟杜甫不曾損毫毛可憐虛憍氣舉趾同莫敖爾我  
須戒之解牛共丁庖君得曹植斗我亦谷永筭茫茫千秋

內放情各凌霄論著陳留秘賦成洛陽鈔藉以酬師知無  
羞九方臯同勵元凱癖誰充伊尹胞子見莊司馬縱疑孟揚  
雲自廣騷請看小戎鞞先吟二弓交

仲冬赴山左述衷

梁園遊倦赴青齊橋柱擎天筆漫提千里空羣思冀北廿  
年奉母似關西書廚雲葉藏魚尾驛路銀花趁馬蹄聽說  
明湖風景好梅花時節費新題

吾師法眼遠垂青月鑑天教傍海升歷下山川歸橐鎗兩  
河士氣尙飛騰誰先負笈如根矩我愧登龍御李膺回首

可憐秋榜下虛名又負大中丞

程梓  
庶師

董家口渡河

拆盡東南地交冬浪亦驚豈真趨海便終作下天聲上策  
迂何補雙隄束未平靈風願神借北渡片帆輕

曉行

夢被寒雞破車中坐不支荒山銜月小野廟出鐘遲道路  
輪消鐵年華髻有絲高堂牕紙白老母憶兒時

聞雁

嘹唳長鳴曉霧開車中殘夢尙徘徊征途一樣風霜苦他

是南飛我北來

過杜康天鏡二泉至五龍潭遂憩潭西精舍觀七十三泉  
濟南多名泉趵突領其總天鏡與杜康亦鼓急流勇出坎  
箭離弦噴波底脫桶城根撼欲搖地膚裂難壅汨汨達陰  
潭老龍舞驕寵鐘啞古鯨死鼓跳惰鼉恐七十二泉外忽  
詫繭抽蛹橫同瘦蟹爬團效跛鼈踊諦觀意始疑手探神  
愈悚毋乃螭靈掀定有鼇子捧我聞此澄潭樓閣千年聳  
乖龍獨何心一夕奪而擁愧未攜角飯竭來餌沉塚野語  
資荒唐英雄本懵懂掃牆讀殘碑古裏時一動泉聲解媚

人對我亂珠涌

蘇文忠公生日侍講師設祀四照樓下同拜宋商邱所摹

笠屐圖與褚茂才

送

同作

昨宵奎宿噴珠火搖搖四照樓頭墮誰奏南飛挾腰笛壽  
公無物惟詩可吾師愛公才似公來從紫府精神通褚先  
生筆堪補史史筆傳公公不死淮南小子從而後依稀記  
得與公舊童年學句晤真面瓣香久奉儻耳硯光黃之間  
公所居吾鄉一山還姓蘇淨居寺裏拜遺像荒臺夜靜聞  
讀書前月東征渡清潁小西湖上秋色冷尺書飛寄王晉

卿聚星堂圮爲公請公本天人韓范儔宋家子孫不能收  
五祖空驚陝右戒老夫早避廬陵歐磨蝎命苦心自樂黨  
銅無妨隨孟博騎龍駕雀非渺茫擺落浮名返寥廓此間  
山水皆陳迹繫我新爲濟南客吞甕換酒已成塵新詩誰  
和李公擇公昔踏雪龍洞間今年無雪應更歡主人況是  
有宿契一坏近夢峨嵋山峨嵋山畔陳秋菊四照樓前又  
華燭英靈兩地應皆到笠屐春風公一笑吾師師公弟子  
行我亦願窺夫子牆七百年後兩私淑赤壁之遊無此樂  
除夕



東風渡海來寸草熟而醒觸我喪母心倍切春暉警負米  
走千里滋愧荻灰冷獻歲違高堂酸况愈難領椒花淮浦  
溫爆竹海邦猛遙知茅屋中病婦捧觴請小女不解事牽  
衣索糕餅此時倚闔淚拭淡紅燭影

嗟予寡兄弟病枯降才弱孀母勞尸饗筋骨鍊操作顯揚  
在何時世味疲咀嚼所幸昌黎書大賢門可托腥羶竭中  
乾智慧戕外鑠四隣歲鼓訇一鐙窗紙薄他鄉三五人促  
談語音各志爲從師堅顏常念母作長安軟紅塵計日踏  
行脚可憐蝸角名奪我烏私樂屠蘇本如飴心苦那能酌

趵突泉謁廣濟王祠

濟南之水行地中蛙天蟹域盤神龍珠璣萬斛暗幽宮平  
坡突出銀芙蓉珍臺琳宇光熊熊淪瀾大小潛相通中有  
仙靈行馭風如春之盎雲之空糞土小臣政告訕咄哉違  
世其能逢願熙太清迴高穹霄駢紫蓋羣靈豐碧色竊窅  
天夢夢銀鸞睽光飛霞狔詳容正論開愚衷謂子自詫龍  
文雄天驚石破捎靈虹搏弄造化如嬰童折君富貴爲文  
窮况今上界非醇風神官綽約行步工帝旁玉女修蛾濃  
吹簫王子漆點腫憑愚護短難爲忠教諂疑可通方蓬曉

曉易缺奚其容人間天上將母同去爾矜氣偃爲恭元凱  
忍辱宜三公行將霖雨成民功垂諸史策鐫鐘鏞

龍洞

金簡攝蒼水乖龍甘不逃憑依太古智天半蟠其巢高捧  
巨靈掌殘劈周處刀諸佛誰咒毒壞壁鑄周遭谷神媾嬰  
姪老儻同一胞子孫蠕巖臚萬古屯腥臊我聞天之用爾  
功尤冠曹受爵鎮齊魯宋勅順萬命樞豐焦胡爲怯旱魃  
蠶縮氣不驕腐儒昨被放悲憫衰尙操哀鴻燭腸胃秋禾  
乾不澆思借衛公馬一流郇伯膏痛哭雖越位彼樂宜適

郊裏哉文命聖鞭驅奮憂勞放菹取桑土洪濶靜不泡方  
今擲河費淮黃天正滔元圭不再錫心血枯煎熬茲山蓄  
神異樛樛舊跡拋或疑庚辰劍墮化靈昭昭人鬼恣出入  
蝦蛭爭呼號乘炬辭黑罌愧爾雷火燒

佛峪

一峯側飯佛萬巖恐遭擯破釜偏亦承旋螺折而進琳宇  
湧彈指華嚴縮盈寸花開齋鴿遊經歇古龍恨貪狼畜人  
性聽偈晨不遯石蒸泉乳香雨釀洞雲潤樹根野人臥往  
往疑古舜我生激血性不知本根鈍自惜乾匠心不爲象

教運邇來倦熾塵天花剖空陣孝忠誰助談賢聖無近信  
安得半蒲團老此雙蓬鬢意外得初地合十打歡訊辭家  
雖未能成佛詎無分定僧凝死猿危樓聳妖蜃可憐瀑雷  
削力圖出山奮

酬張茂才

富學

贈蒞

鄙人無遠志小草甘自錮菲體歉厦材不中十年樹軟紅  
鍊勞筋昨躡天街步大黃逢石摧俟骨削奇數烈烈炎傘  
威泱泱海風怒涸轍移平陵半死猶喘附誓將鬪黃精否  
則囊絳露自珍諺堂暉投老桃源路所慚幼好奇初蘭而

佩璐祇今離騷經香草有餘慕先生葆真君銖披上清霧  
活人試靈腕扁鵲神一顧馥馥芎藭苗君家之士賦春風  
篋外蒸秋雲硯傍互探囊贈長房交酬皮陸句

君先贈、費  
韻齋已存

五  
古和

餘惠能及我勝飫左慈酏熾爐噴雲腴搜腸蹶柯寤

相如疾忽抽陸羽經堪疏未能投瓊琚曷爲徵竹素蔡謨  
食齏虻恐被爾雅誤此物在山經不與蛇床附咬咬淮南  
訓鏘鏘平子賦宏景補拾遺景純詎謬註頓教豁陋胸一  
霎起沉痾我輩目光寸論古多迴護倘嫌鄭公繁那免高  
叟固先生抱春蕙執圃資刈灌我腹羊踏菜每苦臙神訴

獲飲上池水陡然發神悟  
選韻如搬薑君莫笑枝梧

舟泊京口

中流擊楫阿誰嬌紫氣黃旗久寂寥  
地韋金甌雄北固江吞鐵甃怒南朝  
嚴城鼓角軍猶壯小部鶯花豔未消  
我到雅思京口酒擎杯笑看海門潮

登北固山樓

俯聽寒鐘撼夕嵐肯將名向古僧談  
詩情浪擁瓜州樹畫本雲蒸海岳菴  
花柳無情名士少江山如此霸圖堪  
眼前况有蓬萊境甘露曾經小杜探

虎邱

塔鈴風緊劍池斜  
七里珠簾捲綺霞  
佛愛風流酣水閣  
地留虎氣幻煙花  
赤欄橋度香成海  
紫玉魂歸影似紗  
不信生公臺畔石  
聽經亦被夢雲遮

感舊雜詩

瓊樓翠館意纏綿  
花下銀簧月下絃  
自分柔鄉真可老  
那知離恨忽經年  
芙蓉枕淚田田玉  
翡翠巢痕樹樹烟  
辜負連珠珍舊諾  
夢魂如水漲春天

柘舞曾經動皖江  
被寒猶自倒金缸  
出山細水爭思海  
戀



月殘星小似釭天上鵲橋空有影人間鶴笛不成腔佳名  
本借鴛鴦錫零落東廂十八雙

三十潘郎鬢未皤臨風惆悵怕聽歌春來詩酒傷心麗江  
上鶯花感病多不信從今枯紫海可憐到處唱黃河硯池  
墨冷蟾蜍瘦萬疊愁瀾一點波

浪憑青鳥寄銀鈎窗外櫻桃笑不休識字果然能有意憐  
才何苦更添愁金卮虛照三條燭桂楫誰迎一葉舟小杜  
湖州春太晚恩恩援例乞徽州

憶山塘

此日山塘窈轉橋如天水嫩畫船驕一春夢雨蘇紅粉七  
里珠簾晃紫簫花市幾經烘日活酒痕那肯見風消張充  
舊借閩門住更共何人繫短橈

去多與張午  
昨同遊山塘

書曾大

其示詩冊

幾載離情倚大荒一春談笑動浮光

光州山名

看花杜牧終豪

氣酌酒寬饒是醒狂夢冷鐘臺傷孔雀才高金石聽宮牆  
題橋獻賦從今始遮莫彈琴憶鳳凰

百鍊纔鏘擲地金休將才命判升沉旗亭酒暖黃河曲桂  
樹蟾孤碧海心果是曹劉堪索暗倘逢牙曠定知音文章

花樣關時代愛古還宜不薄今

蠶完章句更何求  
褻刺誰憐到處投  
嘆我力難穿魯縞  
看君氣欲動吳鉤  
依人每笑喃喃燕  
閱世能師泛泛鷗  
年少才高多不幸  
莫耽風月作名流

厭將懷抱向人開  
三逕曾無客去來  
白雪縱教工楚國  
黃金誰爲築燕臺  
仲宣自著英雄記  
賈誼人傳王佐才  
醉後欲將如意舞  
壯心爲爾一徘徊

題王孝廉

許宏

後湖草堂集

不信千秋業能謀  
一飯難怒絃矜指  
爪憤笛愬心肝  
海碧

珊瑚瘦天紅玳瑁乾窮途珍古淚莫爲治遊酸

綺思青樓滿華年錦瑟齊祭魚嶠瘦獺舞鏡豔文雞虎穴

今眞入龍門昨受題茫茫知己恨剪燭共君啼

子以君詩  
富是吳侍

歲師將召設門  
下而師遂卒

記否春明夜同登衲子牀筆嫌街鼓緩鐘惱佛燈涼螺盞  
欺鸚鵡驪歌澁鳳凰無窮成敗意一笑付蒼茫

歷盡舟車苦閒庭樂事賒燕窺將曙牖蜂咒未開花滋地  
忘憂草垂天不食瓜登壇輸爾健思避鼓三撾

春日雜感

春暉閣詩選

卷二

十三

兩年夢繞故園春，萬里歸來苦此身。  
首宿露寒金蛺蝶，桃花雨凍石麒麟。  
龍鸞消息無仙使，鷹犬飄零似古人。  
鍵戶著書成底事，可憐毛義有孀親。

菽水無資藥有功，高堂心碎倚閭中。

老母抱於今萱草迎

春綠自昔機燈徹，夜紅燕語娛人。  
金瑣碎梨花，篩月玉玲瓏。  
孤兒空抱循陔志，負米依然兩袖風。

一別春明夢已寒，金臺石館路盤盤。  
憐才曾揖將軍貴，造命偏教宰相難。  
望我風雲起龍尾，累人口腹愧豬肝。  
去年此日施恩地，干莫明明淬寸丹。

頗愛談兵未帶刀  
回中烽色動龍韜  
燒當胆破天威大小  
醜牀空太歲高  
悔不從軍捧銀鵠  
定教美酒飲蒲萄  
甘陳將略渾閒事  
雪海冰山轉餉勞

星源濁浪拍天空  
上策原難復禹功  
趨海神威奪淮泗  
漚民力困南東水  
衡虛費籌高堰  
犀照新傳借相公  
一水安危關

國計惟憑

帝慮格蒼穹

鳳巢花發路悠悠  
終古心喪釋得不成佛  
太嫌靈運早遺

經幸有小同收

侍讀師有孫八歲

感恩人易黃墟嘆歸骨城難白

馬愁

住定城

無限羊曇華屋慟春風吹淚過光州

金門大隱足談諧小試監州意亦開不望佩刀承客贈但

求肥蟹傍人來虎頭虛負封侯相螭首誰為作史才擊柝

抱關須古例從容捧檄出蒿萊

予將以州弊就選同人多為惜之

北馬南船悔浪奔結交公叔更誰論關河浩浩詩書拙歌

哭茫茫富貴尊畢草甕頭消白晝長江驢背耐黃昏三春

鶯燕窺人笑往事淒涼欲斷魂

送元大謁選入都

道州孫子風骨矯七尺珊瑚金駮裏心雄眼大志澄清不  
嫌柳下官卑小淮南四月青鳧翔華燄方鉞遊

帝鄉帝鄉宮殿三十六雙闕峩峩金鳳皇

聖人垂衣想力隸公卿緩帶歌義黃昨歲櫓槍爭漢月崑  
山玉碎焚回紇未容趙德鎖琅當已遣班超入虎穴負恩  
小醜稽天誅卜式孤忠宜上書赴末焉能敵戎馬

聖朝不肯算舟車况今東南勞輓輸淮黃力門紆良謨君  
之幹議太遠際思以一命榮羣枯鈇擣華夷展驥足抬頭  
矮屋非區區臣甫靡傷喙而起眼中之才有吾子十載瑜



普汁醇旨談兵說劍叱經史搖筆四海習鑿齒詹詹小儒  
心所恥金鴉赫戲跳不死觀河面皴倏如此雲途容裔從  
今始手執毛錐如脫矢利器宜爲天下磨手板休作尋常  
使君不見東方大隱隱朝市廉如鮑叔信如尾誦書四十  
四萬言可爲天子大臣矣

陳立齋八駿圖

老杜高歌賞畫馬曹將軍與江都王後來蘇公詠韓幹上  
天挾策思王良惟有香山引爲戒八駿雖奇周道壞陳生  
何事誇此圖滿堂動色驚龍駒一馬嘶風一吞霧兩馬嬉

游迴盼顧驥子初生神已騰緩隨老馬矜孺慕其餘兩馬  
能安步馬官策之奮皇路一日千里崑崙低白雲曾爾瑤  
池西可憐狼鹿齒堪冷誰歌天馬威四夷方今撻伐行萬  
里聖人御宇惟恭已花門小醜化沙蟲萬國梯航聽喜起  
豈無緣耳與驂駟山陵德至房精流六仗飛龍使臣借七  
騶載旆田獵遊我輩坐談躬其盛函夏無塵海如鏡倘逢  
伯樂將何求縱困鹽車不爲病陳生聞之歡且呼索我長  
歌當鞭驅戒奇懲伏今可無我所師者杜與蘇

醉來

廣廈長裘意已疎文章報

國更談虛深源詎係蒼生望韓愈猶褻宰相書西極屯田  
煩將帥南中民力盡河渠醉來調語關經濟腐氣豪情兩  
不除

湯文正公石筍歌

有序

宣武門右銀灣曲梁康僖公別業也順治中爲中州會  
館後湯文正公居之今改爲鄉祠院列石筍二文正舊  
物也道光戊子年余試京兆僑居東廡七月十日張亨  
甫陳伯遊吳子序偕朝鮮金芝叟白仲紀過訪見二石

摩挲贊嘆私淑無已遂共作歌

赤靈蟻蟠頰雲根央央列腹胎其孫蒼籜隱麟玉尖吐思

鏗孔壁翹然尊睢州駿譽素臣列從公以孔二年張襲仁

山安且敦凍雷暗罅翠芽起乳以鳴綠公之恩雨淋日炙

二百載松虢竹裂高難捫淮南小子仰魏岱碎金過托猶

清溫從其五世中立朱王作砥柱自

長嵩談洛學提聾督南中

一檄鞭力勁揜魁扶獮蹄翻奔五昨從吳人話月

祝寶公手澤如瑤琨因之皇然景聖域褰裳昂首希升崑

劫來日下負破硯壺華雪浪盈侯門大學石鼓啞不語以  
手摩挲胸吐吞萬古不死祭酒柏春風半體蟠禿髡質庶  
何期副嚮往銀灣宛渾翻金盆鄉先生歿祀於社九天九  
地皆招魂焚香掃壁讀碑碣公所於文其氣灑灑聲渾  
渾屹然石丈大如桂竹名也圍二尺長四五丈見與都賦想見我公巖巖嶂  
聞昔將軍肆跋扈銅陵金谷規一闌芙蓉萬片晃綠雨珊  
瑚七尺迎紅臉愀然偃月忽不樂土礫殘碣難爲掄湯公  
大賢赫宇宙突峩玉笋心所悼白靴校尉手符令大車來  
輦聲啍啍安定先生急衛道此物烏可污淫昏一疏力致

大憝死石也特立無煩窺

和相國盛時密致石室於其園  
光山胡雲境大石窺斷不與相

國怒欲中傷之而可寇先劾其奸相圖謀正法余聞之得  
陳頌士聞都云然後詢寇無扶出太學得悉其原委得

非我公暗呵護爲

國顛帝摩天帑轉令兩石作虞劍藉除鷓鴣來鳳鸞嗚乎  
召棠與魏笏遺愛千秋追本原況此君子五世澤乾坤鈞  
軸能扛掀頂禮遮莫笑米芾禮華樂葉光軒軒

家沛畬農部

菴遠

百花香裏看春耕圖

其平相國長官

玉燭輝穹香國煖耕煙龍起嬉春畎社鼓薰花騰吉雲不  
勞相國問牛喘相國手贊桑麻豐公子樂瞻蒲杏風賜書

每讀中和節足食先傳論語功一夕社公絲雨灑預躋貴  
介來行野速變千紅映玉鞭更催一綠驅秧馬來朝女儘  
男耕忙爭識天人宰相郎不爲

朝廷有稷契那能作息歌虞唐蓑蓑華蕊紛妍妓君方容  
裔恒春草門牆久豔滿城花家學惟期天下飽我本田家  
窮嗇夫襄羊

茂世酣歌呼趙充國作屯園議賈洛陽論積貯書看花躡  
躡長安衢荷君食我興平酥是時

天子南顧喜相公坐致江淮腴巨艘轉漕峩峩趨鏡河慰

貼琉璃鋪君懷盎然春噫噓小范小韓乃其徒佇看旌節  
花藥珠中書同入榮於蘇和栽花植穀無畛殊芄蘭萬物  
熙熙舒我請卜之於此圖

家雲卿公子 其海山清嘯圖

我昔東臨碣石天鷄曉笑約滄溟似比酒杯小米大蓬萊  
黑一星顛乾簸坤不值一揮掃襄平公子天上來嗻然雄  
鳳聲蒸雷驚起羲和弄桑影火顏跳沐真嬰孩蜃雲蜺霧  
茫茫開一鏡容與無樓臺紅毛黑齒之人于于獻琛瑞乖  
蠻隔夷何有哉我聞盛世鴻波不揚千醜馴穴萬國來航



君家家學過杜房元圭一錫成虞唐金陵過庭幾日耳朝

宗笑指江淮黃

君已  
有金

明年春浪桃花香巨熬峨立天

蒼蒼釣竿下拂珊瑚樹乘舟直過日月傍固陵腐儒人海  
走頗慕靈槎泛星斗爲君抽筆畫重洋混茫縮入掣鯨手  
不唱觀海曲但歌上雲樂長嘯眞從天上落外綏內撫皆  
家學君不見阿兄懷抱關憂樂殷勤命我圖耕鑿

洞庭泊月圖爲洪三

符孫題

平生願遊五嶽五湖遍更與海內奇人都識面天公憐我  
今歲寂寞居燕都使我肩拍洪崖笑翺洞庭之一湖洞庭

湖寬八百里齊烟之中一點水氣蒸波撼何有哉蘭芷千  
年怨騷鬼君來艤榜哦蒼蠅湘飛能鼓蟾妾驚手擲銀輪  
碾金浪青天碎作琉璃聲豪竹忽裂芙蓉京君山霧結猶  
輕冰龍女散髮凌波聽窈窕二八蛾眉青知君前身是柳  
絮淚斑涸碧肝腸崩可惜此時我猶未與君把臂一棹低  
昂蘭與桂十三年後同踏軟紅塵傲我乃在岳陽樓畔曾  
三醉我昔看月江海東釣竿七尺珊瑚紅饒鯨乞命餓龍  
死靈囿招手蓬萊宮祇今塵容俗狀人寰走燕市悲歌訪  
屠狗丹桂正開天上花金龜誰換肆中酒感君骨肉忘其

醜熊熊劍氣干珠斗已將木札裝池示子孫更教名姓附  
入此圖傳不朽吁嗟乎洞庭風月固足開歡顏摘豔屈宋  
心則酸我有胸中大事未經報

天子五嶽五湖之願今且刪車如雞栖馬如狗何時從爾

巢南山

君十年新文集巾已哉均齊子  
山書實未識面也